



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Broj: 129 /17
Sarajevo, 30.10.2017.
Sabina Ćudić
Klub Naše stranke

BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
Skupština Kantona Sarajevo
n/r predsjedavajuća Ana Babić

PREDMET: AMANDMANI NA PRIJEDLOG REBALANSA BUDŽETA KANTONA SARAJEVO ZA 2017. GODINU - OVLAŠTENI PREDLAGAČ: KLUB ZASTUPNIKA NAŠA STRANKA

Poštovani/a,

Na osnovu član 151. Poslovnika Skupštine Kantona Sarajevo ("Službene novine Kantona Sarajevo" – Drugi novi prečišćeni tekst, broj 41/12) kojim se propisuje da je pravo predlaganja amandmana ima Klub zastupnika u Skupštini Kantona Sarajevo, dostavljamo amandmane na Prijedlog rebalansa budžeta Kantona Sarajevo za 2017. godinu.

U skladu sa članom 152. Poslovnika Skupštine Kantona Sarajevo amandmane podnosimo pismeno, sa obrazoženjem. Za svaki amandman smo ukazali na izvore sredstava, odnosno uvećanje na određenom ekonomskom kodu u Prijedlogu te prijedlog umanjenja na drugom ekonomskom kodu.

AMANDMAN I

Uvodi se nova pozicija u odjeljku **615400 „Sredstva za finansiranje sigurnosnog pregleda igrališta i rekonstrukciju sigurnosno rizičnih dijelova igrališta“** u iznosu od 100.000 KM.

Umanjuje se izdvajanje na poziciji **615400 Nov 052F „Sredstva za sufinansiranje dječijih igrališta“** sa 200.000 KM na 100.000 KM.

OBRAZLOŽENJE

Rebalansom budžeta predviđeno je sufinansiranje izgradnje novih dječijih igrališta unatoč činjenici da su sigurnosni uslovi za postojeća dječja igrališta problematični o čemu nam svjedoči i tragični slučaj pogibije učenika na igralištu u općini Novi Grad iz 2015. godine, ali i mišljenje Agencije za nadzor nad tržištem BiH iz 2014. godine u kom se navodi da je u najvećem broju dječijih igrališta u BiH oprema neispravna, a samim tim i opasna za djecu i odrasle. Kako smo obaviješteni u pismenom odgovoru od strane KJKP Park, trenutno ne raspolažu sa sredstvima namjenjenim za popravku neispravnih sprava na igralištima, te ista trenutno mogu samo zapečatiti, evidentno je da bi izdvojena sredstva valjalo usmjeriti i na održavanje postojećih igrališta kako bi bila bezbjedna, a ne samo izgradnju novih.

AMANDMAN II

Povećava se pozicija **613400 091F Nabavka materijala sa 147.700 na 164.700,00 KM**, u odjeljku **Zavod za specijalno obrazovanje i odgoj djece „Mjedenica“**.

Smanjuje se izdvajanje **Transferi pojedincima** na poziciji **614200** sa 63.000 na 46.000 KM u odjeljku Kabinet premijera Kantona Sarajevo.

OBRAZLOŽENJE

Štićenici Zavoda za specijalno obrazovanje i odgoj djece Mjedenica suočavaju se sa velikim poteškoćama u primanju stomatoloških usluga zbog nefunkcionalnosti stomatološkog ordinacije u sklopu zavoda, te listom čekanja na Stomatološkom fakultetu koja trenutno broji preko 90 djece. Trenutno su štićenici zavoda i njihovi roditelji u situaciji u kojoj se sjeca liječe u Mostaru u sklopu humanitarnih aktivnosti međunarodnih organizacija, što nije održivo rješenje njihovog problema. U saradnji zavoda, Federalne komore stomatologa i domaćih stomatologa volonteri su se preduslovi za pružanje stomatoloških usluga za štićenike zavoda u ordinaciji zavoda. Neophodno je obezbijediti minimalna sredstva za nabavku neophodnih materijala. Usvajanjem ovog amandmana omogućiće se nesmetano pružanje stomatoloških usluga štićenicima Zavoda.

AMANDMAN III

Uvodi se nova pozicija Ministarstva obrazovanja, nauke i mladih (614300) u odjeljku Tekući transferi Školski fond za saradnju od 10.000 KM.

Umanjuje se pozicija Transferi neprofitnim organizacijama u odjeljku Kabinet premijera Kantona Sarajevo (614300) sa 254.500 na 244.500

OBRAZLOŽENJE

Školski fond za saradnju je inicijativa za koju smatramo da treba biti započeta u obrazovnom sistemu Kantona Sarajevo, kako bi se doprinijelo premošćavanju jaza između djece dva entiteta koja geografski žive izuzetno blizu jedni drugih ali ne učestvuju u zajedničkim obrazovnim aktivnostima. Ovo je posebno slučaj u graničnim područjima Kantona Sarajevo i osnovnim školama u opština Stari Grad i Novi Grad. Ova inicijativa cilja da osnovnim školama koje se nalaze uz granicu Kantona Sarajevo sa entitetom Republika Srpska omogući sredstva koja bi bila utrošena na finansiranje zajedničkih aktivnosti sa školama koje se nalaze na prostoru RS-a. Fond omogućava zainteresovanim školama da se prijave za skromna sredstva za finansiranje zajedničkih aktivnosti kao što su organizacije sportskih susreta, zajednički rad različitih školskih sekcija i razmjenu iskustava nastavnog kadra i uspostavljanje bliže saradnje.

AMANDMAN IV

Povećava se pozicija Ministarstva kulture i sporta Kantona Sarajevo u odjeljku Tekući transferi institucijama sporta (614300) pod nazivom **Strategija 2017-2027** sa 30.000,00 KM na 60.000,00 KM.

Umanjuje se pozicija Transferi neprofitnim organizacijama u odjeljku Kabinet premijera Kantona Sarajevo (614300) sa 254.500 na 224.500 KM.

OBRAZLOŽENJE

Predviđenim amandmanom povećava se izdvajanje za izradu Strategije kulture Kantona Sarajevo sa 30.000,00 na 60.000,00 KM s ciljem što kvalitetnijeg rada na izradi ove Strategije koja predstavlja preduslov da Kanton Sarajevo aplicira za kulturne projekte kao što je Evropska prijestolnica kulture 2024, projekat od velikog međunarodnog značaja i prestiža, titula koja gradu dobitniku donosi ogromna direktna sredstva od Evropske Unije, predstavljajući svojevrstan ekvivalent olimpijade u kulturi. Rok za podnošenje aplikacije Sarajeva je oktobar 2018. te je stoga važno da se po hitnom postupku pristupi izradi ove Strategije.

AMANDMAN V

Uvodi se nova pozicija za JU „Djeca Sarajeva“ u odjeljku 821000 Izdaci za nabavku stalnih sredstava „Obnova bibliotekarskog fonda JU Djeca Sarajeva.“ u iznosu od 24.000 KM

Smanjuje se izdvajanje **Transferi neprofitnim organizacijama** na poziciji **614300 011F** sa 254.500 na 200.500 KM u odjeljku Kabinet premijera Kantona Sarajevo.

OBRAZLOŽENJE

JU Djeca Sarajeva godinama nemaju mogućnost unaprijeđenja i obnavljanje bibliotekarskog fonda, osim u slučaju donacija. Smatramo da je od strateškog značaja Kantonu Sarajevo i Ministarstvu za obrazovanje,nauku i mlade da djeca od svojih predškolskih dana imaju pristup literaturi za djecu u cilju njihovog intelektualnog razvijanja i što boljeg izvođenja aktivnosti predškolskog odgajanja u vrtićima.

AMANDMAN VI

Povećava se pozicija **615300 YAU016 061F Podrška mladima u rješavanju stambenog pitanja** sa **300.000 na 400.000 KM**, u odjeljku Ministarstvo prostornog uređenja, građenja i zaštite okoliša Kantona Sarajevo – Ukupno za Kapitalne transfere

Smanjuje se izdvajanje **Transferi neprofitnim organizacijama** na poziciji **614300** sa 1.733.200 na 1.633.200 KM u odjeljku Ministarstvo prostornog uređenja, građenja i zaštite okoliša Kantona Sarajevo – Tekući transferi

OBRAZLOŽENJE

S obzirom na veliki broj mlađih koji svakodnevno odlazi iz Bosne i Hercegovine, zbog nemogućnosti zaposlenja a samim tim i nemogućnosti rješavanja stambenog pitanja i veliki broj njih koji svoje stambeno pitanje rješavaju da su na teretu roditelja, smatramo da Kanton Sarajevo posebnu pažnju mora obratiti na ovu kategoriju društva i povećati sredstva za podršku mlađima u rješavanju stambenog pitanja.


AMANDMAN VII

Povećava se pozicija **821600 082F Rekonstrukcija i investiciono održavanje sa 1.000 na 100.000 KM**, u odjeljku **Javna Ustanova Biblioteke Sarajevo – Ukupno za nabavku stalnih sredstava**

Smanjuje se izdvajanje **Transfer pojedincima** na poziciji 614200 ZBIR sa 4.535.000 na 4.435.000 u odjeljku Ministarstvo za obrazovanje, nauku i mlade – Ukupno tekući transferi

OBRAZLOŽENJE

Javna ustanova Biblioteke Sarajevo već odavno pokušava dobiti sredstva za rekonstrukciju biblioteka podružnica. Posebno je alarmantno stanje biblioteka Odjeljene 8 i Odjeljenje 10. Smatramo da su sredstva u iznosu od 1.000 KM koliko je ovim rebalansom budžeta predviđeno za rekonstrukciju i investiciono održavanje gotovo neznatna, uzimajući u obzir da se radi o obrazovnoj i kulturnoj djelatnosti, što bi trebalo biti od strateškog značaja organima Kantona Sarajevo.



Sabina Ćudić, zastupnica u Skupštini Kantona Sarajevo